



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Evangelia: Qvæ Vsitato More in diebus Dominicis &
Festis proponuntur, Annotationes Philippi Melanth.**

Melanchthon, Philipp

Vuitebergæ, 1544

VD16 E 4532

Feria Tertia Pentecostes, Acto. XV.

urn:nbn:de:hbz:466:1-35272

PENTECOSTES. >

dunt Sanctos. Ita singuli aliquo modo cruci-
fixerunt filium Dei. Diligenter igitur hæc par-
ticula consideretur, & ut nostra peccata agnosca-
mus, & ut discamus, gratiam exuberare supra
peccatum.

FERIA TERTIA PENTECOSTES, ACTO. XV.

Surrexerunt autem quidam de Hæ-
resi Phariseorum, qui crediderant,
dicentes, q̄ oportet circumcidere eos,
& præcipere, seruare Legem Mosi, Con-
ueneruntq; Apostoli & seniores, ui-
dere de hoc uerbo.

Cum autem magna disceptatio
fieret, surgens Petrus, dixit ad eos: Viri
fratres, uos scitis, q̄ ab antiquis diebus
Deus inter nos elegit per os meum au-
dire gentes uerbum Euangelij, & cre-
dere. Et Deus, qui nouit corda, testi-
monium perhibuit eis, dans eis Spiri-
tum sanctum, sicut & nobis, & nihil
discreuit inter nos & illos, fide purifi-
cans corda eorum. Nunc ergo quid
tentatis

IN DIE.

tentatis Deum, ut imponatur iugum super ceruices discipulorum, quod neque patres nostri, neque nos portare potuimus? Sed per gratiam Domini Iesu Christi credimus saluari, quemadmodum & illi.

QVÆSTIO.

CVM Apostoli instituerint ceremonias, uideatur utrumque sequi, quòd & uelit Deus coli talibus ritibus, & Ecclesia possit imitatione Apostolorum instituire cultus? Respondeo tripliciter, Primum Apostoli hæc non instituerunt, sed usitata antea retinuerunt, propter probabiles causas, & ne alienarent imperitiores. Quia mos erat captis urbibus, quæ recipiebant ueri Dei cultum, sine ceremonijs Mosaicis, tamen hæc imponere, propter grauissimas causas. Iam si Apostoli & hunc morem sustulissent, dixissent aliqui prorsus Ethnicissimum fieri. Ac de his non dubium est, necessariam esse prohibitionem idolatriæ, Idolothytorum, & scortationis.

Cætera duo, de sanguine & suffocato uidentur esse ex ἀδιάφογοις, Ideo autem hæc observatio magni fiebat, quia tradita est Noe, & multo uetustior est Moise, & circumcisione. Fuitq;
huius

PENTECOSTES: 3.

huic Præcepto addita prohibitio homicidij. Quare simul fuit symbolum politicum. Sic ab esu sanguinis, penè ut à cæde abhorrebant homines. Quare credibile est, Patres hæc imposuisse gentibus, ut quamuis Lege Mosi non onerarentur, tamen haberent aliquas ceremonias utiles discipline causa, quæ admonerent de uero cultu Dei, & de præceptis diuinis, & discernerent nouos ciues Ecclesiæ Dei ab alijs gentibus, quæ adhuc seruiabant Idolis. Retinuerunt ergo Apostoli usitatum morem traditum à Patribus, & continentem non ceremonias excogitatas humana auctoritate, sed diuinitus traditas, quarum aliqua erat utilitas. Et in hæc re uitauerunt offensiones & scandala eorum, qui fuissent alienati, ab Euangelio, si ne hunc quidem morem uetustiore Lege retinuissent. Nam quòd habuerint scandali rationem in hoc casu inde apparet, quòd non ubique abstinebant à sanguine.

SECUNDA RESPONSIO de cultibus.

NEcessaria cū sunt uera fide, & fiducia filij Dei, sunt cultus, id est, sunt opera, quæ Deus approbat, consecrata ipsius uerbo, & quibus iudicat se honore affici, cum ea facimus in fide, ac ut ei obediamus, & eū celebremus. ut fugere Idola, nō pollui uagis libidimibus, sunt ueri cultus, si fiant.

si fiant ut dictum est, Sed tamen & de necessarijs regula tenenda est, quæ hic traditur, quòd propter hæc non detur remissio peccatorum, sed propter filium Dei, sicut hic dicitur: Fide purificans corda. Sic & olim ceremoniæ Mosaicæ erant cultus, cum adhuc uerbo Dei consecratæ & præcepta essent, si tamen fiebant in fide, id est, fiducia uenturi Messie, & propter confessionem. His ritibus testabantur Israelitæ, hunc esse uerum Deum, qui hoc uerbum tradiderat.

Postquam autem illuxit Euangelium, de aeterna iusticia & uita, & ritus Mosaici desituri erant unà cum Politia Mosaica, ritus pleriq; iam erant ἀδελφῶν. Horum aliqui retineri poterant, disciplinæ causa, uel propter confessionem. Retinuerunt igitur Apostoli ritum de sanguine disciplinæ causa, & propter confessionem, quia ritus ille erat Symbolum, seu Sacramentum, seuerissimæ prohibitionis de cede, & prohibitio illa adiuncta erat legi de sanguine. Quare propemodum sanguinis esum, sic abominabantur Iudæi, ut cedem ipsam. Cum igitur tot causæ concurrerent, disciplina, scandalum, & confessio, uisum est Apostolis hunc ritum retinendum esse, præsertim in ijs locis, ubi causæ illæ ualebant. Retinuerunt autem non ut cultum, ac multo minus uoluerunt esse meritum remissionis peccatorum, aut iusticiam.

PENTECOSTES. 9.

TERTIA RESPONSIO.

NEC ualet consequentia: Apostoli hæc retinuerunt, ergo licet Ecclesiæ noua instituerent, tanquam cultis. Neganda est consequentia, quia Apostoli non instituerunt, sed retinuerunt hunc ritum, propter causas, quas dixi.

Deinde etiam si quid noui instituisent, non sequitur, imitationem concessam esse. Semper hæc imitatio nocuit Ecclesiæ. Primum Patres mandato diuino instituerunt certos ritus, & sacrificia postea imitatio ex falsa persuasione, excogitauit uaria sacrificia, etiam hominum mactationes. Ac minime ualet consequentia: Apostoli retinuerunt propter disciplinam & scandalum, ergo licet imitari, aut fingere nouos cultus.

Neque hæc consequentia ualet: Apostoli quosdam ritus tradiderunt, ergo licet cæteris Episcopis, nouos ritus instituire. Quia Apostolica uocatio longe superat Episcopalem. Apostolis primum tradidit Deus nouum ministerium, & per eos instituit aliquid noui. Episcopus uero est auditor, & accipit uerbum, & ritus ab Apostolis, cum certo mandato, ut hæc non mutata tradat Ecclesiæ.

DOMINICA TRINITATIS EVANGELIUM,

b Iohan.